

漢
陂
集
續
集

淡波續集

三鶴

獨鶴馴來久，雙雛客送將。
松陰鳴且和，風外舞成行。
對月疑玄圃，吹簫隔洞房。
蒸年棲隱地，得爾共徜徉。

病起徐生過語次空早三首

老態隨年至，窮愁逼歲內。
新霜猶未改，舊藪屢空風。
已收殘暑雲常挾，斷虹明亦閃。
餓草滾滾入山中。

閉戶連朝病，開堂見菊寒。
誰無空早意，應有潛時才。
老哭辭鄰里，山行拾草萊。
不知幾幾歲，能得幾人回。

野老江湖外，憂來思不禁。
浮雲常在望，終日不成吟。

路流移浦間。澗湧疾深誰能開。腐粟早發健皇心。

閱張太微鑷白詩有感遂爲長歌

我年四十已鑷白。君今遲我餘十年。鑷邪否耶那得知。
新詩忽見鑷白篇。在昔鑷之我不悟。白根元與詩臆通。
搜音抉悴苦成癖。欲白不白胡能然。君不見杜工部四
十白髮垂兩耳。忽爲從前作詩苦。又不見六一公游山
筆硯忘雷霆。年未半百蒼頡鬢髮稀。醉翁自古才士多。
早衰况乃讒謗叢。厥躬君子落落世罕比。對客揮毫詩
滿緜。行雲藹藹似飛煙。空笑亭亭出秋水。灑句可厭古
賢劉。芳名不讓今何李。年來詩覺氣磅礴。身居文苑追

古作伯仲之間見斑馬六籍之味甘咀嚼嗚呼丈夫生
世有如此五十白首亦可喜一事無能老正堪笑城
西羨陂子

又戲作

鑷白當年事而今已編疇可能除却盡翻恨落偏多碧
鏡慵看影清樽醉放歌春風花萬樹一失奈吾何

摘菜

夏旱憂方歇秋霖苦更繁來牟停水糶杭稻阻糴食野
蕪牛羊瘦亭空鳥雀喧兒童展摘菜隨我到西園

晝寢南隣道果

晝寢從吾懶，秋寒覺被親。
敲窗風動竹，入戶鵲窺人。
聞道常懸夢，不怨貧南隣。
梨柿熟相送，見情真。

雜麥

餅粟陶元亮，量珠石季倫。
清風五柳傳，遺恨洛陽塵。
自笑煙霞叟，歸接歲月頻。
弄孫今有樂，糴麥未爲貧。

雨晴園林小坐

三日衝泥怯，新晴躡屐來。
春葩旱未吐，秋雨逼重開。
屋角書痕濕，箴風鶴唳回。
茶瓜慙鼎食，小坐亦悠哉。

次瀛與張廣文詩韻因示

文章傳世久，富貴不名。
三冬勿

看京兆重詩可杜陵
遲前哲風流遠千秋入夢思

九日無菊二首

徑歲重陽至黃花放滿枝
呼兒頻送酒挾客共題詩
久旱根株盡驚心歲序移
興來成獨往含恨過東籬
不對黃花酒空添白髮
愁南山如有待西園竟誰留
鼠雨梧桐夜門庭蟋蟀秋
兒孫仍燕喜沉醉王孫侯

晴起

旭照浮虛牖清愁破老顏
下床梳白髮開戶見青山
心已寒號足身如野鶴閒
杖藜尋舊侶同過碧溪灣

醉後歌

子美長鑿白木柄賞精無苗空歎息怕饑稚子色憔悴
時入深林拾橡栗吟詩萬首逼風雅奇寶千金賤楚璧
金谷主人金塞厨明眸皓齒爲歡娛剪霞百里錦步障
出海一天紅珊瑚劍鋒展轉死孫秀樓上須臾墜綠珠
嗚呼財多自古爲身累貧士從旁笑爾穢君不見北隣
白金不滿千兒操白刃爺呼天南隣莖老錢幾何白首
猶能醉後歌

蒼生

瞻少秋多雨衾寒曉覺晴流離秦地淚搖落道人情刈
稻初嘗飯挑蔬得煮羹吾生長易足無術起蒼生

深秋

老圃接連地深秋迥不同
短蕪寒更綠高梁先紅風
夕聆簷馬晴天數塞鴻
自便踈懶性白首任飛蓬

雨霜

連朝秋歇雨一夕露爲霜
水國蕪陵老山城歲月荒
無多黍稷篋有舊衣裳
空望伊人久遙迢天一方

酬郭侍御

山人秋向南窓坐柱史嘗從北郡來
已見風霜隨便莠却憐湖海有遠才
雲開翠嶽青蔥過日上梧桐彩鳳迴
無那蒼生憂歲旱好將赤趾達蓬萊

村遊二首和張廣文

村遊真有興野馳一開顏景落風前畫詩成馬上山荒
林紅葉亂流水白鷗聞鶯鶯青衿子相隨過綠灣

村醪留寒夜驟蹄踏曉晴遠峯如有約嘉客更多情霜
押蛇蟠緜晨炊鹿麋羹風流唐四傑教化魯諸生

八句翁媪吟

八句翁媪生兒遲愛之不減丹鳳雛一朝長成毛羽齊
飛去爲巢棲別株啄母者梟與遊攫鳥者鷓鴣爲徒
細如蟻風侵我肌口如刀劒伐我經翁媪守舊室塵
簞粥不與共朝哺爾亦生雛愛更深翁媪心豈殊

不見樹頭反哺鳥鳴聲啞啞臨路循爾若罔聞天爾誅
雞邪雞邪爾若罔聞天爾誅

五君子詠荅劉士奇

陝州魏仲先

隱君曾住陝東郊人指茅堂擬鳳巢風月千篇留字面
煙霞萬丈遶山坳雪積不跨孤峯外海鶴猶棲老樹梢
却悔萊公無勇退佳期虛負布衣交

秦嶺韓文公

潮陽音恨征途遠秦嶺今看廟宇新青史長留併骨表
蒼天終護孔明人海國豚魚隨變化衡山雪霧破嵯峨

此日逐臣多感慨，千秋灑淚一霑巾。

華陰楊伯起

關西夫子楊伯起，萬古清風慕却金。
高塚獨眠斜日外，英魂猶遶華山陰。
壯年歸隱微垣客，少日翱翔翰墨林。
俯仰不勝今古歎，往來浩發短長吟。

華陰李太白

騎驢寧避華陰令，走馬曾於五鳳樓。
采石狂遊醉欲死，長安不見却生愁。
名齊杜甫追風雅，運落南箕起謗尤。
過客悲吟蓮嶽下，問來元是謫僊流。

華山陳圖南

華山隱士羨圖南高卧于今尚有龜花鳥多情誰作主
雲霞無恙夢猶酣玉峯臨路空勞整鐵索懸崖不可探
我欲東尋劉禹錫結茅同住碧峴巖

烏棲庭樹

深冬堂下雙槐樹夜夜慈烏棲浦枝影落月街還箇箇
飛衝霜曉故遲遲頻來莫信兒童打返哺惟應蒼叟知
愛爾山林隨處好風光何必鳳凰池

送吳簿歸二首

白首思鄉客青春作伴歸芳名留野艾穉子候柴扉登
眺新詩就逢迎昨夢非東風花底醉盃酒濕羅衣

一簿無多日言歸及早春猶存三徑菊未老百年身經
史兒能讀靈槊客共親北窓高卧處夢可到西秦

竹屏

種竹虛堂下當門翠作屏雲深塵隔斷月迥鳳疑停不
掩湘江恨難搖晉客醒歲寒如有約共守少微星

燕山行贈王中丞伯畿

燕山西來幾千里盤空萬朶青芙蓉陰晴變化不可測
時有雲氣隨飛龍鍾靈孕秀自古昔英雄今見南臯公
總角穎悟通尚書趨庭應對師阿翁秋風折桂廣寒殿
春日射策明光宮三年佐郡名獨高片言折獄誰與同

囊琴常依趙抃鶴路人爭避桓典
馳手批逆鱗非矯激
身騎猛虎還從容
帝心簡注尹京兆
袞職補綴生華風
豸袍復着辭冀北
熊羆駕徂山東
吹噓海岱作霖雨
指點嶠嶧驅長虹
狂飈容易生喬木
故園暫許歸明農
謝安仍爲蒼生起
寇準方資鎖鑰功
八郡生成耒耜外
三邊經略笑談中
濁涇清渭流來別
終南太華勢何雄
天子預開麟閣待
霄漢路與鳳池通
斟酌元氣運斗杓
收拾人才入藥籠
耿耿芳名照青史
鬱鬱晚節含蒼松
燕山紫翠萬年在
仰止南臯千仞崇

周守惠茶謝荅二首

老去難勝酒閒來獨倚樓使君題玉版仙茗自金州春
泛山泉色香分漢水頭枯腸從此潤短咏若爲酬
使君燕國秀早看曲江花郡出三千里春回幾萬家
予白髮叟分惠碧山茶四海蒼生渴休教雨露賒

花品六絕句

携酒尋前約開門杏花落芳香已越旬莫恠東風惡
群卉參差列東風次第開天桃如有待明日更啣盃
若看梨花好還于月底偏只願花開夜盈盈月在天
李株旱枯盡白柰亦無花紅著蓓蕾華蕭條殘木瓜
最恨違心賞天香失牡丹從今培植好準擬隔年看

蓮蕊荼蘼少，薔薇亦數莖。漸覺清明近，商量看紫荊。

讀雲將軍傳

孟獨文章逼馬遷，將軍事業世流傳。蜀山漢水遺金甲，
夜月春風哭杜鵑。地下龍泉光射斗，庭前玉樹碧參天。
封侯建節真談笑，孝子忠臣出後先。

周守寄穀雨茶及大扇謝荅二首

山中穀雨後，采采碧瑤枝。露葉香猶濕，筠籠寄不遲。
一瓢還自煮，七椀是吾師。却笑相如渴，金盞浪爾思。
酷暑愁衰叟，清風來故人。漢江雲一片，鄆社月如輪。
力借山童徒，涼生草閣新。此時仍啜茗，滿盞絕巖塵。

种生過訪索李詩

巖石看吾老風流喜爾過
雲山猶舊識盃酒一高歌
李白詩偏好吳剛斧重磨
明秋丹桂樹垂影正婆娑

秋興

苦熱詩都廢逢秋興轉豪
上樓山色滿搆練月華高
雨後收園果風前著布袍
逐臣今白首勿用賦離騷

中秋不見月和荅湘厓蔣子

懶上元龍百尺樓清光不似去年秋
南飛烏鶴渾無影斜倚闌干恨轉幽
縱有金壘誰共酌空聞玉漏換更籌
嫦娥只在雲深處閉却廣寒應自愁

次韻四首與湘厓子

美人家住湘江岸，鸞鏡蒼梧竹陰身。土室自有乘彩鳳，
名流湖海北南金青蠅。止棘多口皓月當空照此心，
二徑莫教歸藉詔。回來且對碧山吟。

芳名貫耳響春雷，萬首新詩自剪裁。老我逢君領蓋好，
阿誰載酒問音回。交遊北闕雲霄翅，笑對南山紫翠開。
聞說玄關能鎖鑰，也應平地有蓬萊。

周游四海難爲友，秀拔三湘喜見君。開口平吞洞庭水，
吟詩高壓華山雲。圓中河洛闡新說，袖裏參同譜古文。
作用不倫丰采異，昂昂野鶴在鷄群。

湘汪碧海源流近，銜岳蒼空咫尺連。天道一方元有數，
地靈千古合生僊。早開神鼎還丹火，雲區種玉田
南雁年年常北翮。烏髯誓願望落風前。

書六首爲湘厓子賦

山下晴雲芳樹合，門前春水小舟橫。主人未久賦歸去，
猿鶴儵儵莫浪驚。

老眼塵沙認畫圖，不知赤壁定西湖。千秋感慨應憐我，
兩地風流總是蘇。

老樹扶疎照夕曛，遠山蒼翠半秋雲。江亭一峽渾忘倦，
多是先秦科斗文。

遠空江上千峯雪靜夜燈前萬古心
閉戶不知舟返棹
子猷乘興到山陰

綠藻風回動碧漪細魚芳沼兩相宜
長蛟占斷天池水
不作甘霖漫爾爲

王質山中爛斧柯子陵江上老漁叢
會稽印綬碯載
不博斜陽一曲歌

秋興之作湘厓見和復用韻三首

王猛非秦傑陳良識楚豪南溟曾次瀾
北斗姓名高秋
水青龍劔春雲白鷺袍時時吐佳句
千古遍風騷
湘厓天下士不羨五陵豪獻璞心
何懶看山興獨高氣

吞雲夢澤詩奪錦官袍却笑揚雄拙當年誤及騷
王子煙霞老釜稱風月豪讀書嗟力退開眼見人高愛
客邀歌扇頻沾典緼袍醉來花底卧雙鬢在刀騷

和張廣文九月十五夜之作二首

乘興來登庾亮樓中秋雖過一般秋誰將短笛風前弄
破却長蛟海窟幽砧杵有情牽遠戍江湖無計入邊籌
幾回獨倚闌杆立不是尋常兒女愁

九月十五南山樓月色過於八月秋綠酒盈樽不一醉
青蓮獨坐何其幽門墻此日且鳴鐸帷幄他年看運籌
紅杏曲江有時發莫爲宋主空生愁

送道士呂知白

壺墀棹遲地乾坤浩蕩間
花開歌送酒樓近
看山鶴髮生
談論龍渠熟
往還相逢知我癖
老圃學偷閒

湘厓便回二首

湘江青竹剡溪篔簹
并剪剪成秋月圓
爲語雲仍好
牧護清風一握自年年

王骨仙人遊紫氛
笑騎白鹿破南薰
袖中遺却崑崙石
代作湘厓一片雲

赤壁圖

坡老耽秋興
蘭漿破夜濤
蕭聲孤鶴近
月影萬山高
四才

落當年賦人思異代豪畫圖鄉里後收拾紫崖勞

椒軒

椒軒誰爾命惆悵紫崖翁遙憶邊庭日猶觀老圃風栽
培資雨露蒼翠入簾櫳辛苦平生意無忘濟世功

湘厓子歌

世人不識湘厓子我今爲作湘厓歌湘厓南去五千里負
西來將柰何長安紅塵高十丈獨騎羸馬閒來往馮唐
白首尚爲郎揚朱失路空惆悵郭杜赤子苦無母割鷄
暫借屠龍手雨露纒纒三月餘甘棠可卜百年後漢陂
山人老閒寂一笑相看如舊識幾回訪我春雨亭有時

坐子秋月夕酒後耳熱歌且舞恍然置我湘江側短竹
倚脩弄碧風疑是湘靈夜鼓瑟我問湘厓子勞勞良亦
苦惟我識爾王在石世人相以虎爲鼠湘厓只在白雲
隈三徑蕭條長綠苔主人不返猿鶴猜何日拂衣歸去
來

太微子過訪留詩因次韻以贈

山下孤村水竹居城西樽酒羨陂魚青春不負冬參約
綵筆今看杜甫書花柳半開風乍煖煙霞留住日無餘
明宵又作懷人夢咫尺長安萬里如

用前韻送熊子修

莫向天涯歎謫居且來花下食雙魚終南山好頻携酒
光範門高不上書入眼白雲千里外蟠留黃卷五車餘
廟堂肯借調元手四海蒼生總晏如

用胡世甫詩韻因寄

世遠身早退老嘅學無傳憶昔胡夫子同爲王署仙夢
龍今在位沮溺合畊田何日重携手臨風一灑然

和太微子春雨亭論文之作

巖石歸棲幾歲華煙霞萬畝爲吾賒郢中白雪歌誰和
門外青山直更斜求友喜逢張仲子論文合讓大方家
暮年結社盟先定滄海飛槎路不差

看花寄湘屋子二首

我有一樽桑落酒君能八句嶺南歌
木來未見學前坐
萬樹花開奈爾何

穠李夭桃未足看杖藜無意透花關
那能夜月湘屋子
共醉春風白牡丹

長垣邢御史母壽詩二首

八旬以上百以近五桂之中李子賢
馳馬驟風驚海內
彩鸞映日下雲邊
慈顏常爲平反喜
遠寄頻于問
襄懸
畫閣曉來開綺宴
紫簫吹散碧桃烟

剡門春早承歡地
劍閣風清陟岷時
甲第雲連雙鳳閣

蟠桃雨熟萬年枝笑騎王母青鸞昔共醉麻姑碧玉卮
蘭蕙繞堦香細細蓬萊化日影遲遲

岫嶼書屋爲祝給事中賦

羨彼羣叟病骨直閑眠客訪者誰岫嶼仙蓬頭赤脚不
敢見翩然遺我岫嶼萬頃之雲煙老眼摩挲認形似似
與芙蓉天柱相勾連中有茅堂架翠微堆床萬卷先秦
篇僊人已遊紫霄上夜夢猶透蒼峯顛袖中携得一片
石化爲霖雨坐令四海歌有年君不見傅巖下築屋爲
椽嘉靖之勳摩挲天岫嶼之名要與相後先嗚呼勿使
岫嶼之名不與相後先

謝王正之

我病三旬久君來十日過留心投藥物應子起沉痾盧
尾流風遠門庭陰德多蒼天寧爾負雛滿鳳凰窠

雨夜有作

暑病逢秋減園亭卧晚涼棋聲清到枕雨氣濕侵床
壑淵明老乾坤子美狂看雲明日事十畝水西庄

生辰宴後歌

我生六十有四歲大兒設宴春雨亭一曲雙調頗瀟灑
四座諸客流芳馨今年甲午六十七烏兔飛騰暮景逼
小兒愛父學阿兄行慶堂中張錦席介壽笑開桑落酒

長生願比南山什兒輩能此我心悅爾之子孫更何說
前簷水不後簷流後車轉合前車轍嗚呼兒輩慎勿懈
人生二孝萬事徹

送白貞夫八首

君家毘陵郡我家終南山相去四千里那能識面顏君
今持使節乘輅入秦關取道羨陂涯訪我林壑間徘徊
執我手慷慨發浩歎苦言阻隔遙神交時往還嗟我樗
櫟姿誤爲杞梓看感激靡所贈贈君明月環

南方產琥珀草芥滿西土琥珀世所珍草芥八莫顧一
朝持琥珀拾芥芥與附借問胡爲然氣類有感遇君子

黃岡心形迹靡所處

萋萋庭下草白露何溥溥秋回病體蘇君自西涼還口
石黃河流腹貯空同山解携炫雙眸五色呈琅玕神工
靡雕琢至寶非塵世流行宇宙中千秋長不刊

君携陽羨茶來烹漢陂水二物各一域氣味似且美歎
然乘風回翱翔青雲冥迢遞鳳凰城道阻不可改嗟哉
傷我心緒戀那能已

能詩唐杜甫奉使漢張翥使節空同過詩名北斗懸自
慙黃髮更虛名碧瞳仙不遠三千里來尋紫閣前

驛路三秋過星槎萬里回河山秦地勝題品樂天不致

國還經洛和羨早用梅楚人靡好爵離恨若爲裁

老夫病起臨幽徑嘉賓重來訪敝廬大保中丞曾面議
世勳國史亦親書喜看三蔡郎君貴爭逐雙旌使者車
此日文章誰與並他年竹帛定何如

君家季父尚書幕我亦承明謫省郎五夜共趨朝北闕
幾回投飲坐西堂未能展足空騏驎問說遺雛有鳳凰
盛世好音應可待早瞻旭日上梧桐

白子行送真夫

白子白子胡爲來留爾匆匆不肯住華山小水十丈連
神志群僊笑爾空歸去許西丈人揮彩毫長篇瀟灑水

東注少年才子浚谷生須臾滿緜煙雲橫白子得之色
不驚雙脚踣倒比斗城笑提長劍舞不歇仰天惟見我
空月月下共予飲一斗驪歌嫋嫋晨風發白子白子嗟
爾不住可柰何安得織女機頭紅玉梭織就雲錦五千
文送爾歸報松喬行

洛原爲白子賦

僊楫已浮南渡水故家猶問北邙山迢迢歲月遷移後
隱隱鄉閭夢寐間風氣不隨金谷散雲仍今見玉麟還
芳鄰近接程門迥數仞官墻尚可攀

草堂別貞夫

不盡登山興其如送爾情秋風臨路發征馬向人鳴
白髮偏多恨皇華自有程相思虛夢寐迷却鳳凰城

聞貞天將登華岳次韻一首寄上

好奇無奈洛原子躡屐去登西華山懸石獨沿鐵索
塞雲天指玉門關身浮萬壑煙霞上語落三峯紫翠間
峯嶺遙傳活一醉旗亭秋草雨斑斑

強情八首

郎富者黃金難將買妾心妾心似瑤瑟的的愛知音
郎本工一陵豪安是倡家子不食黃金多只願同心死
老鴛鴦鴛鴦不是同棲鳥就令交頸遊中懷轉懊惱

酌酒與郎飲臨風強笑憐菱花牖下鏡留共可人看
並蒂芙蓉梳合歡翡翠金衣那知今夜夢遠逐別追尋
牛女經年會會稀情輕濃朝朝覲郎面恰似不相逢
共郎花下坐吹笙弄明月明月照妾心妾心與郎別
郎心見妾憐妾心只自苦伴笑弄琵琶曲亂不成譜

三年

一出三年別千思萬苦情秋風吹妾夢夜夜鐫西城

牝鷄鳴

牝鷄鳴鳴向晨昂首鼓翼聲切雲遠通衢駭徒紛紜
棲于埭若罔聞君不見未央宮中野鷄叫炎帝之雛幾

盡掃丈夫萬事由婦人空戴須眉在人表鶴鶴情事老
鶴悲間間嘆息英雄唯爾曹若有丈夫氣請爾細玩鶴
鳴詩

讀德涵聞予壽州歸之詩有感而作

昔年予罷郡道梗得歸遲爾後咸陽信心先鄂杜馳行
藏嗟繫運慷慨為吟詩運翼雲霄意讀餘雙涕垂

籬菊早放喜而有作

歲荒菊亦盡春至始栽移要看風霜色深蒙雨露培重
陽思爛熳八月放萼蕾好為歌金縷陶然醉玉杯

九日遇雨莫能對菊與愛松鶴齋弟及鍊師王

從石前堂小酌骨肉情洽且贈從石遂成四
首

三年逢此日離菊有黃華風雨疑相妬園亭興轉賒喜
逢鸞鶴侶共坐鵝鴒沙好畫沽來酒青燈笑語譁

西園花無數前堂雨不休且陪吾弟飲青學楚人憂陸
海聲吟夜天風鶴背秋生涯惟爛醉身外盡浮漚

客從玄圃至坐有小蠻歌孤負黃花節其如白髮何還
憂商調迥入夜雨聲多醉即南牕卧寧須借綠蓑

昆季頭俱白蓬仙鬢獨青何年堪辟穀今夕已忘形湖
海多將覽煙霞幾醉醒向來騰紫氣不用寫黃庭

秋興八首

雨餘忽見南山雪，夜迥深知北塞寒。
明月萬家砧杵急，畫樓何處酒杯寬。
塙根蟋蟀如人訴，江上芙蓉耐晚看。
坐嘆離騷悲宋玉，捷傳飛將斬樓蘭。

霜落長城萬草枯，三邊兵甲盡防胡。
千年克國屯田計，萬里嫖姚出塞圖。
寂寞魚龍沉瀚海，哀鳴鴻鴈憶菰蒲。
閒情欲共伊人語，白露蒹葭水滿湖。

生年曾侍衮衣傍，環珮秋風出未央。
會揖夔龍真氣象，退吟班馬舊文章。
鼎湖自泣烏號後，林壑空存素髮長。
一憶恭陵心萬折，寒燈茅屋雨淋浪。

秋風昔伴逐臣回，此日逢秋意轉哀。
負錦有言謔巷伯，黃金無夢到燕臺。
土階步日青藜杖，草閣有化濁酒盃。
至老光陰吾願足，補天自有出群才。

壽州城枕八公山，風雨深秋草樹斑。
峽石中開青片片，長淮東下碧潺潺。
曾經乘客登臨處，還夢猶吾指顧間。
最是時苗遺愛遠，至今祠屋在雲冢。

川原回合潯西庄，門外南山對草堂。
詞客坐吟青玉案，秦姬歌勸碧瑤觴。
高秋不爾風雲氣，勝地今爲翰墨場。
梧竹陰森餘舊蹟，似聞鳴鳥在岐陽。

潯西風采王沂國，溼野源流呂聖功。
時論同歸天竺

美人都似玉玲瓏
呂生老向羨淮水
康子長歌太白風
北闕雲深東閣迥
不勝衰髮嘆秋蓬

粹夫不是吟秋客
曉世真爲彩鳳毛
歸卧烟霞從爾好
往遊霄漢忝吾曹
蒼苔白石雪孤松
秀澗深中流砥柱
無那朝廷訪幽側
却教靈穴老英豪

寄南里楊用甫二首

不見楊夫子
蹉跎近十年
幾回清夜夢
悵望紫霞仙
風月城南里
桑麻渭北田
深秋行樂倦
自喜任高眠

爾陪康學士
共上浙西樓
弱柳青
老舞鶴
名柔無浮龍
蛇隨彩筆鸚鵡
落金甌
相對掀髯坐
時聽白雲詎

九月十四日雪漫述二首

九月山城雪多年見亦稀始聞維震集展轉六花飛泥
淨妙窺園天寒及授衣誰知村落外猶有採薪歸
燕京當此月常見雪繽紛不意豐西暖俄生塞北雲菊
蕊寒不吐桑落笑微薰却愛梁園賦鄒枚迥出群

雪下即融戲爲體物一首

鴻空飛作絮到地濕融沙未有高人卧難烹學士茶溶
噴疑驟雨籬爭不迷花庭樹風蕭瑟詩成已暮鴉

雪中有懷德裕曾許鄧杜賞月以疾不至

孤負中秋月虛稽日暮如何天又雪無那我思君王

子丹成未潘生瘦幾分相看俱能首猶自款辭群

雪後深病一首

老圃寒何怪葉難幽獨芳豈辭一日雪直傲九秋霜紅
醉仙桃色黃分月桂香興來還共賞不必是重陽

送王正之二首

正之曾國手眼見藥通神慣醉王孫酒長霑麗藻春書
送秋入鄴菊放雨留人共對寒芳坐清談意轉親

吳西林叟曾煩藥起予百年朋友意兩世往來書冊
圖猶存杏王門舊屐冰平生飲令德表墓定何如

苦雨

夏郊不救嘉禾死秋院虛生破屋寒天地無情紅日閉
江湖欲醉白頭難眼前涇渭何當辨水底魚龍亦未安
到處濕泥沾蔓草幾時幽谷采芳蘭

雨夜懷白貞夫

貞夫騎馬入藍田要看王維舊輞川山水百年靈運癖
雲鳧萬里子喬僊便尋舟楫浮江漢擬到園亭弄雨煙
鴻鴈南征將過盡朔時應有尺書傳

瀛書來云良木孫常於夢中呼予而泣予聞之
痛心揮涕賦詩二首示瀛

六歲纔交孫在幼七旬將至我成翁燕秦地隔關河迥

骨肉情親寢寐通得爾報書憐暮景不禁老淚灑秋風
青梁莫遣從今恨詩禮須看異日功

大孫眼底小孫遙寢裏呼予涕淚饒花同根茲先識昂
孝於童稚已生苗讀書里舍何年是問寢重闌萬慮消
惟願二雛看鳳鳥莫隨燕雀在蓬蒿

灑被臺檄行勞勵之以詩

京兆一年司賦地西臺此日勸賢書陽城心繫催科外
漢主功收考課餘松栢要看霜雪操草茅莫惜斧斤除
國恩累世期無負敢望高門駟馬車

涓讀小學有過時之歎詩以警惰

入歲人當攻小學三旬爾始讀遺編莫求天地尊卑
只在家庭孝弟間人植綱常方異數士能變化即成賢
考亭夫子長如在白晝青燈仔細研

數日不至園亭寄鶴一首

一與胎僊別塵居十日過樓知依竹憶聲憶人雲
里心應在三山路幾何洞蕭明月夜來看舞婆娑

雨後訪竹

雨過園林淨扶藜探此君推牖寒落翠遠徑濕團雲
晚歲盟先結清風我共分虛心應識主不在七賢群

林居雜味學寒山子五首

山翁矮屋住幽僻，少塵埃。牕外瀟瀟竹門前，鬱鬱槐。笛
吹明月，下鶴唳白雲堆。未必蓬萊閣，神僊獨往來。

童子清晨起，風前掃落花。柴門無吠犬，高樹有啼鴉。山
翁方下榻，石鼎已烹茶。道逢長似此，不羨五侯家。

晝長槐樹下，散髮坐胡床。陣陣南風起，徐徐透體涼。編
籬圍舊菊，汲水灌新薑。野外瓜初熟，畦丁送我嘗。

自起踟躕舞，兒童笑我狂。但知閒處樂，不學富家忙。空
石沾雲濕，飢梨帶雨香。光陰容易老，樹杪又斜陽。

落魄寒山子，長笑何時歇。洞樓一片雲，門對十年雪。破
袖舞春風，澄潭弄秋月。吟詩幾百首，天姥任飛越。

對菊

愛爾寒香好，慙慙種滿籬。豈知三伏旱，欲廢一年詩。草
閣聞蛩夜，金風落雨絲。青青生意轉，應不負花時。

九日對菊

佳節愁中過，寒香雨後開。不吟花我笑，共賞客誰來。濁
酒從斟酌，踈籬自剪裁。飡英頽更好，白髮漫相催。

趙松庄壽辭

遶庄種松經幾秋，詰屈老幹蟠蒼蚪。中有主人蓬僊流，
芸窓萬卷親校讐。一朝跨鶴成遠遊，北上明光天際頭。
參幕兩地翊衛侯，折衝萬里資運籌。分符坐判西北州。

橋山花水聞歌詠鶴翅倦飛思且休
雲暮草向松林披
虛牖洞開千尺棹雙峨如黛空中浮
載水剪雲孰與侔
鳳巢仙子吾同儕年年尋樂何優游
坐看八麥霜茸稠
一陽忽報回遛陬江梅吐萼竹筍抽
松梢新月懸銀鈎
壽筵羅列麟鳳羞錦箒瑤瑟聲和柔
金緋四座嘉賓留
會須一飲五百甌從茲俯仰天悠悠
雪山笑指如培塿
大江變作桑田疇主人仍住松庄幽

與釋本遊

爾于紫閣山中住笑我虛憊山下人
白髮近空增感慨
青鞵何日上嶙峋日高霄漢浮仙掌
地擁煙霞護佛身

探奇不逐漁樵伴，惟爾長為虎豹隣。

即事三首

亂落重陽後，寒花滿故叢。相看詩興減，不與去年同。
午睡南窗下，人靜柴扉掩。堦前黃葉堆，一任西風捲。
黃金任爾散，清貧我自樂。非是薄黃金，我命生來薄。

松庄圖二首

森森松萬株，靉靆雲千頃。八旬老子家，一幅蓬萊景。
曉汲龍溪水，暮煮沙碓茶。仙家風味好，就樹摘松花。

蟠桃園走筆為王正之賦

海上蟠桃大於斗，一番結實三千歲。笑爾金門避世客，

煙霧萬里何由至當日公車曾上書齒如編貝八尺軀
從容得侍武皇側時時劇戲爲歡娛更有風流郭舍人
瀟灑同爲供奉臣殿中射覆訝藝數天顏一笑回陽春
文章辨博設客難義氣激烈斥董憲語言彷彿涉詆諧
辭旨婉曲多諷諫我披漢書常歎息裨官堊史誰記憶
爭言三度竊蟠桃王母青鸞那可得世人好奇仍信恠
徃徃求之經史外東方先生苦受誣形容千古丹青在
長安上警西林叟何年得此良工手我摩老眼認形似
等閒爲爾開笑口年年珍重慈中堂桑落酒洗花正香
客來對此須盡醉莫負金罍前碧玉觴

即景

寒雲蔽日晝宜冥午坐無人共賞寺鐘外落花猶弄色
階前雙鶴對梳翎

警火賦

園有芻蕘虛干回禱天耶人耶外自我耶乃
爲賦以自警其辭曰

歲乙未之孟冬兮其日甲寅漏沉沉其二鼓兮夜闋無
人彼塲圃之迢迢兮曠無四隣慨焱燄之奚從兮稻結
積而條交維天監之明明兮逆斯凶而惠吉維回禱之
赫靈兮詎倒施而濫及信予德之罔修兮老而頽僻擊

天心之仁愛兮，冀反正而改迹。昔宋襄之三言兮，發感
退舍。恂恂若劉昆兮，亦返風而速化。玄機叵測兮，維貞
信乎堪。馮中孚之格物兮，又何患乎豚魚之頑。冥曰：子
承茲嘉惠兮，心豁然而頓悟。日兢兢以自飭兮，敢因循
于遲暮。彼衆口之洶洶兮，云狡童之肆狂。審予行之罔
缺兮，彼亦奚憂。于予殃木有根而必茁兮，爰有萌芽王
刺。摘于人人兮，亦有其瑕。予回思以省愆兮，在踈正而
庇邪。彼警言以悔過兮，彼則是而予差。堯有尼父元聖兮，
成于桓魋。忠如姬旦兮，亦流言之宣。厥矧予老且詩兮，
羸自戾以爲媒。美沉寐以恍寤兮，遍濯汚而起頽。亂曰：

屢嘗哉冠自我致令維我有瑕類兮恫自又今庶以無
或墮兮

送茶馬劉侍御二首

王谷辭邊郡星輶入故鄉彩雲明畫錦白雪侑霞觴
北萱花茂天南婺影長蓬萊春萬頃從此壽無疆
鶴髮留春住龍顏入夢勞僊槎浮日影蒼草落霜毫
擬麒麟畫風生獬豸袍太平端有望歌咏老吾曹

雪夜一首與杏村子

春初人卧病小院逼黃昏乍聽風吹雨翻成雪打門青
綾曾內直白氈向誰論病起乘新霽僮僕訪杏村

清歡

病起無兼味清歡亦可嘉
菜根煮香稻蓮子啜新茶
掃徑春生草撒簾雪有花
暮年惟靜坐休遣思如麻

自笑

自笑碧山子巖居歲月奔
病回春有睡老至夢多昏
雪落天機動詩成腹藁存
舊書猶未忘時或枕邊溫

吟詩

吟詩四十載學海足生涯
漢魏二三子唐人幾百家
然盡空鍛鍊得意漫矜誇
不見少陵老情真語自佳

壽張翁二首

張仲風流遠名家孝友存一官省長子八表抱曾孫
鶴形容瘦長松枝葉繁鳥天真氣象瀟灑住乾坤

老箇青衿子翁孫展我甥毛詩傳世業鄩曲擅才名早
捷科應易惟修德乃成從茲翁益壽坐待鳳雛鳴

荅禹夫春興之作次其韻

玉笋春醅綠金釵舞袖紅遠山凭雪檻佳景落詩筒
子雲霄上荆花雨露中衡門三十載不出是英雄

雨後次前韻

小園連夜雨芳杏幾枝紅要看花如錦還携酒滿筒
臺花鳥外拄杖畫圖中一笑滄浪叟風流魏甌椎

春寒

節屆春分近，寒留花不開。
經旬看集霰，萬壑待轟雷。
海日雲長蔽，河水虜未回。
孤臣頭白盡，愁思若爲裁。

睡起

納被南牕卧，悠然煖自通。
隣鷄春覺曙，羸馬夜知風。
道在千金賤，心閒萬慮空。
飯餘無一事，擊壤看兒童。

春陰

冬盡苦無雪，春來長作陰。
雨場元有數，消息自相尋。
因悟浮生理，潛窺造物心。
悠悠誰共語，閉戶理瑤琴。

晴

春來心裏雨三日不成霖紅入花枝淺青回來壘深行
雲晴忽散挾客景堪尋有約休相負青山花滿林

荅禹夫訪仙之作次其韻

秦女吹簫夜裴航搗藥年藍橋通弱水彩鳳跨祥烟人
去名留世天生骨作僊浪遊真可笑空掃石床眠

再次韻學寒山子二首

自入山中住悠悠不記年洞門猿嘯月松頂鶴巢煙濕
俗元非俗修仙不是仙笑將竹掃帚掃去白雲眠

葉落知殘歲花開又一年水澆名利火風掃是非煙漢
帝求丹藥秦皇慕海仙不如食飽飯快活洞中眠

禹夫近作詩可喜因次韻以示

吟味如今日風流異昔年
登壇追李杜落筆掃雲煙
春助花前興塵消物外仙
奚奴頻我送剛喜慰愁眠

得王子衡書

不見子衡三十載
緘書今日自長安
廟堂倚重宜多壽
風雅名高不折官
鷗水聊分三畝外
鳳池只在五雲端
相思此夜聽春雨
雅操終期共歲寒

寄謝李宗易

白髮交情自布衣
非關出入在黃扉
知兒生死勞恩及
老淚縱橫豈浪揮
萬里雲霓心轉切
五更風雨夢魂歸

有時倚杖者，口斗無限清光近紫微。

蒼島夫種竹之作次其韻

仙籟種得已多年，望裏蒼蒼半畝煙。
藜杖獨穿春徑雨，葛衣常坐晚涼天。
月移素女乘鸞影，風落湘靈鼓瑟絃。
日日平安頻有報，主人只在北窓眠。

再次韻三首遺悶

林成今日憶當年，興到青鞵踏紫煙。
秋夜乍聞千丈籟，寒雲低壓一重天。
種分東衛歌淇澳，翠拂南薰入舜絃。
俗態向來醫去盡，不須肉食繡衾眠。

子猷乘興任年年，半入蒼雲半入煙。
歲暮常分松頂雪

風光不逐杏花天，幾人杖屨同吟嘯。
何處亭臺有管絃，留待鳳巢春萬頃。
絕勝鶯喚柳三眠。

老圃開從甲子年，移來秋雨帶秋煙。
纔看碧落新生月，頓覺紅塵別有天。
水傍琅玕清蕪玉，籟生枝葉細鳴絃。
山翁此日常爲主，一榻清風笑獨眠。

絕句二首與杏村兼示諸君子

野叟經旬眠草閣，故人無意到柴扉。
多情誰似穿廳月，依舊清光照敞扉。

少陵階下蓬蒿長，廷尉門前雀可羅。
聞道杏村松客處，不知相見定如何。

戲作二絕句

病卧看晴晴復雨杖藜欲出泥沒首後園紅杏休爭放
一麗日清樽待我來

何日紅香鬪曉霞微風裊裊影斜斜爾時却恐兒童笑
白髮老翁還看花

南山行寄熊子修

我病一月不出戶雲夢先生遠相訪感歎兩度入我室
我聞談笑覺清爽興來挾客南山遊陰騭經旬忽開頭
老天有意山雲喜蒼翠排空待吟賞草堂寺中叅古塔
紫閣峯前眺仙掌陸海混茫萬餘里瀑布飛來幾千丈

先生興狂渾欲飛，醉拈彩筆掃翠微。
瑤草瓊葩盡收拾，奚囊更有得南山歸。
遺却兩枝在茅屋，琅玕五色炫人目。
世人不識雲夢仙，燕雀紛紛逐鴻鵠。
呼嗟乎！天風一朝鴻鵠起，燕雀紛紛亦徒耳。

和杏村子遊草堂之作六首

春日來看雨後峯，曉牕卧聽寺前鐘。
笑將紫閣頻疑眺，誤作峨眉翠掃空。

佳客同遊此醉眠，枕衾濕惹翠微煙。
曉來共覓仙人掌，愛殺蒼崖瀑布懸。

泠泠鍾磬隔雲深，裊裊松杉入暮陰。
蒼徑共追蟾影步

青溪不與世爭流

碧井丹楹，點埃鳩摩羅什講經堂。不知香蓋同遊後，更有何人到此來。

巷將麗句袖中回，馱得南山馬上來。卧展華牋閒把玩，却于高枕着悠哉。

何物紅塵破悶幽，可人惟有省山遊。松篁滿院先投寺，紫翠盈窓一倚樓。風外空揚來暮鳥，門前流水泛春鷗。曾中自着南山後，小却人間百萬丘。

和熊子修詩南山之作三首

冉冉丹木春，汨汨水泉動。遙望雲夢仙，笑騎丹山鳳。直

上紫閣峯下瞰蒼龍洞迢迢萬里外炯炯雙眸送西指
崑崙在千古發一懣夜就草堂宿禪床破幽夢起來步
明月短竹風前弄

謝客盤雲磴探奇上石門日浮僊掌動巖合寺鐘昏約
又疑藏霧鷄啼覺有村廟堂方爾待未許避塵誼

駿馬來遊紫閣春身緋猶帶軟紅塵漫謔臨水看山興
元是謂羨補關人衣袖俄霑花雨潤瓊瑤時弄竹風頻
同送未許憐吾病佳句能留見爾真

和張舉子春遊之作三首

雨晴上說經臺

玄宮跨蒼崖團團樹松桂兩人防北巖徘徊重遊思紫
氣沉函谷白雲渺天際經說日月皆道及天地開魏巍
仲尼宮路岐詎能至安得沉澗漿醒却迷人醉遵我仁
義軌直反羲黃世

草堂寺

萬卉新看雨後芳群峯遙對古禪堂盤礴巖巖風雲變
探景寧辭道路長喜見諸天多勝槩誰言佛日有餘光
濁醪催客詩先就紫閣招人興未忘

上紫閣峯不至而返

谷口到山中十里未爲寫我昔十年前頗聞山僧道山

形類紫閣多因曉霞燒三閣互對峙紫紆有領要歲近
我思登山僧近相約老至筋力衰蹉跎竟未到茲者公
等遊也貽山靈笑何由陟絕頂凌空縱遐眺

履獲康汝修書作詩二首寄謝

落落太行子循良廓邑君十年離恨積幾度尺書聞琴
弄青州月樓棲碧海雲公餘詩萬首瓊萼吐奇
東海蓬萊閣南山春雨亭睽離多寡寐忙忽見儀形臺
迴鳥常集書傳屬不停蒼生憑我報已勒去思銘

劉侍御清西書圖歌

大野之野紫玉山山下滴水流潺湲主人卜築水西岸

宛如蓬島非塵寰碧樹離離迷遠近白雲悠悠時往還
白雲碧樹圍草閣主人下帷勤著作竹床幾卷伏羲書
清水一瓢顏氏樂春風遙唱水邊漁夜月常鳴竹裏鶴
鶴鳴漁唱春復秋主人忽起乘蒼舸壯遊笑佩雙龍劍
大手堪修五鳳樓五鳳樓前謁天子禮樂縱橫雲滿緇
膏花醉向曲江遊捧檄却爲慈親喜鸞鳳終難棲枳棘
騏驥何由困百里鷺見清霜落豸頭早衍恩波通清水
水西蒼蒼萬頃春玉峯當戶青嶙峋行人指點作傳巖
風景依稀如有莘有莘傳巖千古上霖雨雲霓今注望
簪筆峻嶮志不同攬纒澄清氣何壯皇華咨訪足風謠

紫塞紆籌籍保障曾中有道迥不同眼底奇才誰與抗
致君竟舜固非難措身伊傳胡多讓伊傳勲名獨與齊
白首還歸清水西鶴筭迢迢滄海變鳳毛世世碧梧棲
畫圖留却他年看麟閣丹青異品題

雷

南山三月雷夜牖破幽窗曉起聞老農云是豐年兆
雷後雨雪人又以爲災也憂而賦此

前夜聞雷後連朝雨雪繁隨風蕪電至叔麥動人言春
服寒仍換麟經老更翻史臣堪紀異誰達天柱

噴霜歎

去春仲月二十七雪後墮霜殺果實今年雪後仍墮霜
乃在暮春庚申日兩度俱是清明前頃覺和煦變凜慄
果實不熟人且憂來乍倘殺那可述憶昔戊子巳丑年
一村十室逃五室賣兒鬻女骨肉離哭聲徹天天罔恤
以後雨暘恆失調春禾秋稼收難悉閭閻口腹或不充
公家租稅何由出官卒打門鷄犬驚稱貸富人事方畢
富人氣勢猛于虎約借禾許一朝失吁嗟生理轉蕭索
愁苦如嬰楛與桂今茲來乍種頗盛恍忽場頭堆翠律
豈期雪後夜墮霜懽娛變作聲唧唧羨陂野叟發長歎
窮居愧乏回天術曉來閉戶強欲吟坐掃破硯拈秃筆

我願蒼天憫赤子早動和風散幽室

病起至後園得六絕句

入春踰兩月不至後園裏杖屨今日來鶯花見人喜
我病杏花放我來杏花落春風更有意天桃正吐萼
山童頑懶甚杏花落不掃花徑少人行兩月長芳草
獨坐柴扉掩馬嘶客屐止山童啓柴扉却是杏村子
山僧紫閣來饋我春筍芽留客嘗風味恰有江南茶
杏村遺新詩答我噴霜歎習習和風生却喜霜華散

答山僧饋筍

紫閣三春雷動後紺園十畝雪消時龍孫出土看猶短

綉子穿雲采不遲長路携來青箬裹家珍重碧瑤枝
茶瓜爾笑已公味珠玉叩慙工部詩

清明展墓作

暮齡六旬九尊祖意彌勤令節值清明從俗上丘墳翠
栢結成蓋春葩競吐分祠屋濠灑掃執事樂趨奔豕牲
注清醑俎豆羅繽紛兄弟聯子姓列拜昭穆分伶工奏
簫管鉦鼓聲入雲諸靈儼如在洋洋威格歆禮卒遂燕
毛神貺飽且醺情洽坐忘旋出門落日曛斯禮久矣行
自我歸耕耘悠悠廿載餘蒸嘗四序均匪直竭孝思亦
以篤懿親雲仍慎勿失慶流浩無垠

汚姪自勵不近音樂述二絕句以堅其志

映雪孫生常閉戶下帷童子不窺園顏歎點漆幾吾好
野杏山桃任爾繁

亭落陽臺喚不醒何如牕下對遺經春風指日雲霄上
一派簫韶取次聽

愛松弟送白菜詩以荅之

早種春經雨多耘自荷鋤嘗新勞爾念分惠之吾厨清
白家風在豪華世味無明時肥遯客老圃草蕪蕪

再荅送菜

草闌方停筆筠籠復到門誰能知此味爾獨念同根深

藉栽培力難忘雨露恩我園青吐甲未久共盤飧

燕子巢屋作

重來欣見爾春色滿芳郊認主歸貧屋棲身有舊巢
芹風遊水際林雨掠花梢日日踈簾捲香泥補漸交

禽言七首

穿草鞋草鞋穿却好任我閒遊任我潦倒不求聽履上
星辰一朝喫跌禍不小

得過且過日日憂愁想甚箇得過且過

着袴着袴宜用粗粗布勸君莫嫌布粗惡多少貧人無
袴着

提葫蘆眼前萬事俱模糊只好提葫蘆

種穀種穀連年天旱穀不熟肚饑難靠親骨肉種穀種穀

不如歸去柳暗花街誤了青雲路不如歸去

行不得哥哥赤心苦口死勸它它今病已中妖魔勸它
做甚麼行不得哥哥

急雨

慙怪天河瀉翻成陸海深四郊禾萬頃三伏雨千金夕
響樹猶濕風回蟬一吟芳亭便坐久溽暑不相侵

童杖

衰齡魚病瘳即藉小童行首經徐徐步園林日日情生
談時放汝歸去輒呼名却憶當年與登山與人辰輕

寄三林毛先生

隱居此日陶元亮相國當年輩仲舒白髮喜者顏似玉
紅塵不到水環廬三春花鳥驚人句滿緜煙雲寄我書
為報後生今亦老閒來常釣羨陂魚

寄毛伯穎

多病相如廢吟詩太白豪漢流開戶近山色捲簾高風
月餘千首星塵未二毛年年翁壽且春酒碧雲瓊

送中丞黃伯鄰六首

佳人出東海，盈盈白玉姿。佩懸明月璫，手持瓊瑤枝。殷勤緘素書，寄代南山陲。臨風讀素書，云當遠別離。別離未足惜，所貴心相知。

相知亦何深，孰云未識面。暮窵有神交，風雨生感慕。西隣東隣子，追遊靡昏旦。兩心苟未諧，何殊冰與炭。豈宜守壯士懷曠世，有緒戀。

纏戀意彌長，中懷難具陳。平生數萬言，荒蕪未足論。佳人癖愛茲，擬之希世珍。枯桐縮朱絲，山高水濤翻。曲終闌噫嘆，彷彿千秋雲。悠悠太古心，感激良有因。

有因發天籟，無因覩芳顏。松峯老鶴心，長統丹穴間。黃

金聖不貴壯士重肺肝灼灼上林花誰采幽谷蘭幽蘭
有貞性不隨秋草殘佳人愛芳馨佩之凌成寒

歲寒霜雪深萬木凍且僵徂徠千尺松容色何蒼蒼東
園桃李華春日豈不芳未識秋風顏那云棟與梁君子
慎晚節竹帛有錄光

餘光被草萊雅志扶皇闕致身楚龍間憐慨賦式微海
濱蓬萊樓瞻望何崔嵬三島連十洲遂遊步如飛頗覺
歲月長朱顏耿不移何時寄我書慰我長相思

秋鶯

蕭瑟西風外流鶯忽好音寒鴻來亦近社燕道難尋求

友非前夢辭真識爾心明春端可待出谷上喬林

屢獲太微子書感而有作

嶽嶽太微子猶能憶故人見亡常我慰德迥許誰鄰蒼
松容不改白首淚何頻未須嗟往事感教見情真

送郡守夏道亨解官歸四首

拂袖長歌公去早急流勇退古為難誰憐碧海屠龍手
興落蒼松野鶴灘比閔參魂天廣大東山歌舞日平安
曾中萬丈虹霓影不比尋常老葉官

紫綬金章淮海客青春歸去意何如羞看鬼佃棚頭戲
謾卷羲皇架上書百尺高樓淨後一聲長嘯月明餘

等閒勿作煙霞癖，會有蒲輪三章廬。

君侯車馬已南馳，野叟山中尚未知。爲愛雪晴看華嶽，
去因風便寄瑤芝。恨來不識荊州面，老去慙無李白詩。
渭北江東成間隔，暮雲春樹結相思。

黑頭人去尋鷗侶，丹穴春深產鳳雛。三載星霜勞撫字，
萬家雨露足靈滯。天心寧負循良績，陰德真爲遠大圖。
畫閣喜開湯餞宴，佳音早寄碧山隅。

送中丞于寧中四首

東山端爲蒼生起，華嶽爭看紫氣高。龍渥自天春又轉，
攀留無地意徒勞。海雲拂曙迎僊旆，花雨催詩濕繡袍。

墨句謾誇追謝莊嘉謨懸望匹臯陶

道上誰歌借忍憐倚天長劔斗星寒自憐白髮雕蟲叟
不識皇華老豸冠昨日臨風傳錦字幾時補袞入金鑾
商郊霖雨尋常事四海蒼生注目看

地遠相違南北海天涯不及馬牛風心知未許關山隔
神合真疑夢寐通問俗豈能箇道路朝陽彩鳳上梧桐
逢人若訪垂綸者七十滄浪一病翁

王斧纒臨半載過河山百二起謳歌豺狼膏跡風雲急
禾黍春回雨露多命駕欲臨恒頽咫尺扶藜可奈影波波
鵬程自合搏霄漢鴈帛能經寄薛蘿

七句

一卧滄浪晚蹉跎
罷策勳登天無復夢
弄筆且能文
舞鶴看人喜
流鶯隔樹聞
七句雖善
做不學趙將軍

東康五

冬組春已辛
不得許西書
老恨追趨懶
相思夢寐餘
杏花開正好
桑落與何如
七十今年是
應勞長者車

王叟歎

故媪十日肉未寒
新媪入門恣笑慚
黃金耳鐲羅衣裳
昨誰爲主
今誰看
王叟六十六
夜夜呼燈醉醺醺
眼底只見新人好
耳畔猶聞鬼女哭
爾不見鴉鳩小鳥

亦有情爾老何心化塵塵吾人作歌數爾情太薄有問者誰吾之族

滻園移菊

小阮籬邊色色奇暮春來向雨中移我同元亮既秋興爾作吳剛斫桂枝

送唐子薦六首

昔聞涇野子今喜見池南祠屋生前立旄倪去後參櫛良應有傳竹帛爾能堪尚憶風謠遠秋空月在澶

駟馬三秦道對恨萬里空皇華車帶雨麗藻生風華嶽凌仙掌虞階識舜瞳不知今海內似此幾虞羅

誰能

乾坤回正氣日月餘光

表功堪疑觀風事異常將嘉靖業扶植到虞唐

山水滇南秀鐘爲間世豪看唐律盛書壓晉人高星

斗垂精采江河落巨濤龍門今識而剛喜慰

三世科名舊千年慶澤深絃歌花縣日網紀栢壺陰鼎

情調羨手天知報國心夔龍芳躅迥霄漢許追尋

紫閣風前身浮生七十年閉門花自發多病日高眠車

過草茅巷春回風雪天謙光無以報感激浚郊篇

李宗易次前寄詩韻見答因再寄一首

風雨山城及授衣忽傳尺素到柴扉遠函真覺從天墜

佳句還應信筆揮
霄漢變龍公
接武山林麋鹿我同歸
白頭亦有閒中趣
日日終南坐翠微

除女

浮世七旬明日過
盡堂春酒此霄同
乾坤自許丹心在
形影相看白髮翁
輾轉三陽扶道泰
謳歌四海願年豐
等閒莫笑狂夫老
猶有遺編討論功

元日

元日祥麟起徐徐
散積陰江湖
扶杖叟霄漢倚樓心歸
許煙霞僻遠朝
歲月深簫韶猶
夢寐一孤鳳風音

大千上人過訪因贈

五十圭峯住迢迢百歲侵徒僧者亦老栢子種成林日
食黃精飯常持白業心虛名我何有勞爾下雲岑

和杏村喜雨二首

睡覺閉春雨隣鷄第幾聲蒼風吹不斷燈影滅還明碧
訝琴絲潤青知麥浪平杜陵詩句好喜共古今情
老來農圃事我願學樊遲雨落呼田叟莎長問牧兒
雲搔白首出郭杖青藜萬姓多憔悴何人是國醫

即事

日高方盥櫛暮景得幽棲喜戴我巾好難收短髮齊
亭新雨霽樽酒可人携春樹微風外雙鳩自在啼

五言古詩卷六十一
四

分菊四絕句

好藥牡丹春色灑，爭如老圃看秋容。
暮春雨過東籬下，舊葉分來碧葉重。

誰羨騷人九畹蘭，儂家老菊亦多般。
故分舊品開畦種，要采寒香帶露餐。

菊根經歲老成枯，及早分栽翠色敷。
堪笑吾人多變化，却干心地久荒蕪。

小園半畝雨晴時，日日呼童看插籬。
丹杏碧桃天上種，元于此地不相宜。

睡起

夢破芳亭午花陰響曉鐘
几看書恍忽惚怪竹模糊
真潛推謝炎涼半有無
向來分種耐得水綠盈株

靜坐

老來甚靜坐多慮
心傷神詩不推敲
就情惟淡泊真香
塔花影覆芳樹鳥聲頻
興到歌還舞渾忘雪滿巾

志喜

眼深驚扣閣夜半報添孫
譜序名從木家傳善始飛香
天元有意白叟敢忘恩
晨起瞻晴旭南山翠到門

杏村六前韻相賀因再次韻一首

老住林泉日猶能見此孫
好除荆棘路培養桂樹根

仰乾坤潤生成雨露恩永年吾願足不敢望高

舅氏池亭宴集四首

嘉辰逢首夏清宴集西村亭入青峯色池侵若樹

陽情不薄伐木事堪論環坐惟同氣山翁勸一樽

兒曹三爵後把釣上漁磯池影涵清碧釣鱗出細

盆猶潑刺沫水自依稀一笑吾親放無勞問是非

移時征鼓發簫管亦悠揚樹鳥驚皆散淵魚落日

留仍進酒客醉苦辭觴不盡殷勤意林霏漸夕陽

日暮席仍移疏畦露亦宜彈窺黃鳥影歌憐翠山

舊香芹薦青憐細果垂風流鬼山簡也醉青家池

味李大夫二十六韻

洪洞神僊寫汾行秀氣鍾德門占瑞鳳勝地產人龍問
學同韓愈才華邁李邕並歌徽有宴獨寒杏園蹤佐郡
臨洮曲分符督歲供華蘭車久駐邊粟原多容遠戍征
行急長河濟渡凶岸頭排纜木水面集艤艦誰擬乘槎
客行歌負糶農有時司郡篆甘澤編提封召伯棠存芳
幾皇道决壅群黎頌德多士藉登庸解綬頭猶黑看
山與正濃兩河瀧巨盜四郭憊先攻奮激公紆策懼呼
衆築墉黃巾回劍戟赤子樂掄春形瘁俄捐館人哀共
拊膺金城遺愛遠祠屋小民恭伏臘羅蘋藻登歌鑿鼓

鍾宮碑光照日太史筆如鋒宇宙名難朽
誰書傳可宗
令孫當世彥嘉會百年逢
嶽嶽霜前鬢
蒼蒼後松材
狼驚使節湖海仰高峯
青史期千古丹心竭九重
接
公益懋
避躅許誰從

志情

吾已忘情久何由爾更噴此心如日皎
利口向誰言
泉
石甘吾老雲霄任爾寒
松風聊洗耳含笑坐西園

聞蟬

戊戌六月六日晴槐風急
蟬始鳴
乾坤清散我空老
時序推遷寧有情
久會樹底晚涼坐
忽見天邊新月生

憑誰一喚羨門子翩翩來此吹玉笙

睡起

漏刻遲遲晝有餘老來無事可消除
幾回睡起聞亭上
也看涇川兩葉書

謂神木宋四子抄書也

雨後苦熱

震雷急雨須臾過竹樹斜陽萬雀喧
轉覺溽蒸侵白紵
更無涼吹灑黃昏科頭枕石自多病
束帶立朝何可言
安得南山松澗底寒水細嚼鮮吾頰

王懋德饋茶謝荅一首

濟南相送碧山茶封匣筠籠印不斜
秋日乍開香帶雨

寒泉自煮浪生花一瓢村醜從吾好七椀清飈護爾詩
不爲使君懷舊友茅春能到野人家

林居擬姚合六首

爲愛林居靜朝朝入小園坐呼童喂鹿卧怕客敲門殘
暑蠅偏惡斜陽雀亂喧忘收書在几簷底任風翻

洞屋形如舫舫題作舫齋開牕都是竹彷彿泛湘厓卧
聽尤宜雨深棲不受霾也知在平地風浪漫縈懷

午過眠方起痴孫放學回展書仍問字供茗自擎杯鶴
放隨雲去秋成望雨來南山消息近隱隱動輕雷

從辭東閣賦草避北山文閉戶翻黃卷開園卧白雲蹤

此年易邁感激道難開
羽翮今如此焉能整紫氛

洞屋見新構前楹亦創修
經營因避暑瀟灑乃逢秋
常愛禽園戶渾忘雪滿頭
吾心自知足甯疾喜云瘳

老至難酬主身安不怨貧
都來三畝宅剩有十分春
底豆分畦種林花應筍新
太平誰笑我蕭散作閒人

忽忽

忽忽七旬過流光似柳梭
老添詩漸減愁少睡還多
章經常徒步風亭或放歌
南山青不改日日對蒼我

雨中偶成口號四首示小孫山木

六十年前遊戲處西澤風景種瓜餘
老來翻變見章草

欲向灣頭坐釣魚

秋來風雨掩衙門強欲看書茶字昏却恨當年隻眼蒼
不將黃卷日重溫

禱元祠呈奉蒸嘗不接音容祇自傷怎得光陰如少小
家庭朝暮傍爺孃

驚馬當時誤入驂幾回鞭打脫羈銜而今莫說無人用
縱解馳驅老不堪

浮世

輕薄看浮世踈慵悟出頭軒車雖舊侶書札不輕投暑
退見無恙秋來酒旋勸三盃渾醉却此外更何求

八月

八月農方急連朝雨乍晴來牟催播種蔬界漸收成寒
鴈來霜候寒砧搗月明築場將刈稻春酒正含情

糴米謠

麥未穫糴糶麥穀穗鬱鬱出糴早穀米南畝何曾
耘耔田少口多困見底吁嗟乎有錢糴米貧莫歎新
登場亦不遠不見當年少陵叟短褐長錢米何有

興平役

行邊使走興平陸縣少供億恐不足數月以前下郡牒
條令鄠縣爲督勸百疋乘馬九肩輿車輓芻豆官督夫

線稜白粲桑落醕江南珍果秦城需賈宜往往出假貨
鞭朴日日聞號呼朝夕經營猶未就郡牒重催急于闕
秋雨連旬渭水漲競渡踣泥誰敢後爭看一朝使車至
先經十日旅邸候芻豆狼藉復輓回肩輿棄擲空塵埃
閤老逢迎未必懼村氓徵取徒爲災吁嗟郡牒何爲者
可能量物裁多寡問巷呻吟那得知公堂燕笑持杯斝

九日

九日南山下晴天亦可嘉登高扶杖懶看菊
酒醺兒孫酒醺酬爛熳花豪華非暮景澹泊是生涯

中麓篇

胡山在章丘南山有三趾予友李伯華結廬
賞其中因自稱中麓山人云自其賦予曰宜
有述也爲之賦中麓之篇

胡山萬仞青浮空灝氣潛與天出嶽通何年神斧開鴻濛
延亘隱隱拖長虹東入海斗勢益雄探頭俯瞰馮夷宮
山下才子謫僊同幾回躡屐登攀穹窿枕石夜卧煙霞叢
遠鷄齊唱流天風扶桑乍見海日紅畫圖奇絕天爲工
瀆吏黷淡浮雲蒙遲遲玉漏方報終萬家曙色侵簾櫳
山橫三趾中特隆山人卜築當其中孰云秘攝非倉宮
憶昔降神擬高松篤生俊傑山之東海嶽詰屈盤丹衷

少小作賦排終童黃卷一日過即融詞源滾滾那能窮
弱冠騰達脫蒿蓬蒼蚪獨駕參重瞳要補袞闕裨天聰
十載天曹輸蓋忠帝心簡在階濟崇朝夕翼翼何謙冲
推轂指日列上公一時燮理造化功坐令四海歌年豐
閒來笑撫嶧陽桐游心學海困且洪筆端萬象歸牢籠
先秦直上追鎬鄴西京拍挾龍門翁自成藝苑超塵埃
藏之山麓石室充後賢景仰名獨鴻胡山世世看蒼松

孤兒吟

十四孤兒行且泣道逢丈人問端的兒言郭杜王氏子
阿祖曾爲州中秩前年隨父入川東萬里辛勤訪姐處

姻戚劉子巴縣簿領金有素不償直一朝罷官共舟
兒父語言恣成疾巫峽迢迢下荆門途次悒悒疾轉
劉子夫婦毒於虎公然棄父潛江側氣息奄奄兒在傍
身無完衣腹無食桂林夫子任阿翁司教潛江名赫奕
逆旅主人走告之任翁聞之心怛惻急以藥物療瘵結
亦有饑粥供朝夕吁嗟兒父竟不起寒風刮地天昏黑
任翁親爲作棺殮瘞之崇丘樹墓石秦楚相望幾千里
道長兒弱歸不得任翁提携入官廨撫養惟恐或墜失
命兒爲書揚手模持之京師轉瀕國遂有叔父來逆見
未久母子得相卽吁嗟乎任翁于兒如覆載俯仰何由

報恩德願翁子孫多且賢宗階百轉壽千億夫人聆兒
言倚杖三歎息世人骨肉皆爲骨爲骨往往坐視溝中瘠桂
林夫子乃如此高風直與古人匹我今爲賦孤兒吟務留
取芳名光簡策

鐵牌道人歌

我聞鐵牌子深藏不可見長蘊洞前雲霧橫太平宮陽
草樹亂遮世已出紅塵外結茅直傍蒼崖畔却有農夫
爲種田時汲山泉自煮飯有目不識字半行勵志常懸
鐵一片鳳池秋早梧葉凋虎溪春暮桃花之幽樓條
四十年丹心那肯尋常換鳩來訪我春雨亭通名始

冰霜面七旬悠悠鬢猶黑
修腰飄飄步何健暫爾欵坐
語亦竒翮然別去意乃戀
肯聞南山多異人今見此老
真鐵漢安得拄杖入煙霞
同覓仙人爲我伴

題小畫四首

小盆沾濕初經雨
翠色交加迥絕塵
靈運池塘空有夢
灑溪亭榭不勝春

幽篁蒼翠依竒石
壘壘修條共歲寒
竒石年年供管阮
幽篁日日報平安

風前裊裊虎鬚長
雨後翩翩燕嘴香
有珍重王孫相對好
免教離思怨斜陽

移來幽谷色青青日日相看比德馨
桃李亭臺花管急任他人醉我惟醒

壽王鳳巢

梧桐文采朝陽紅丹穴雲巢飲翼時
釀出醴泉春萬頃佩搖風籟竹千枝
徘徊自對青鸞語來往常教老鶴隨
近得天邊王母信年年相約到瑤池

杏村卜築次韻二首

書棟倚雲開甲第尺書得屢報長安
清遠送郡春浮亭老蚌成珠夜吐丹
冠蓋茲時來萬里岷峨衣袂猶殘雪
白頭始遂歸田志俯仰乾坤覺境寬

壯夫處世豈無家
宦海乘桴未有涯
新築僂言丹荔好
故山回首白雲遮
廟堂正爾需才俊
雨露今春沐寵嘉
霞艷早裁西蜀錦
春風先到上林花

次韻與王學諭四首

鄙吝逢君頓覺無
濁醪恨不飲千壺
香飄紅雨風回樹
影落青天月在湖
散館翻勞君作主
閒居宜愧我非夫
醉來直到忘形地
爾汝樽前信口呼

芳亭自掃一塵無
怎似清冰湛碧壺
寶劍有光衝北斗
綸竿終日釣平湖
白駒空谷思嘉客
黃犬東門笑獵夫
却喜青山春雨歇
桑顛布穀向人呼

諸君清範眼前無良冶何曾出甯壺巨鯉春深掀禹浪
長蛟雷動起雲湖文章星斗今魁選人物羔羊古大夫
指日相逢霄漢上門牆還許姓名呼

金臺玉署夢俱無田父村醪酌幾壺愛客高情慙北海
詠梅佳句憶西湖百年身世雙衰鬢萬里雲山一懶夫
惟願太平多氣象問聞擊壤盡歌呼

牙史古崖魏公手書錦堂德祚三冊以賜舉子張
孝先詩以爲賀因次韻五首

華扁喜看懸處好春光頓覺坐來生誰言學夏能修德
謾道詞林舊有聲壽擬松喬今日意祚延瓜瓞暮年情

稽臺藥翰星郎臨萬古流傳識姓名

陰德遠從先世積寸心寧敢老來虧使車
過我留華翰傾蓋逢人即故知元日正懸墨
玉勝春風不負碧瑤卮堂前蘭桂應繁茂已
見禎祥啓兆時

邑侯百里宣風教豸史三冬駐節旌綵懸
衡門咸我愛崢嶸盛世總人豪書工顏柳才
尤妙政接龔黃意獨勞選祚可占貽後嗣高
情端不忘公曾

堂上誰教懸瑞扁直喜非自天來善根悠遠
多年種德祚延綿此日開但得雲仍傳世業
政言五桂與三槐老夫感激情無限笑對南山
詠有臺

喜逢公等登堂日，恰近吾孫受室時。
約鳳音交今夏事，熊羆夢協古人辭。
錦堂德祚書先報，寶樹春榮果正垂。
老去光陰更何望，無窮真樂在于茲。

哭粹夫

往年庚子冬，哭德涵壬寅秋，哭仲木乃癸卯。
冬粹夫計至會，予病新愈不能哭，流涕而已。
于是述楚些以泄哀云。

崧高降神，生鉅八公。些壁立萬仞，驅長虹些。尚有伊傅，楚
夔龍些。下視群儉如蟻，蠅些。滄浪一卦天地，占些。正氣
上與霄漢，通些。我懸知之哀切，哀些。仰頭欲問天，夢些。

些瀾彌老淚流滿曾些大塊爲我生悲風些

憫雨篇爲太守六泉吳公賦

吳公憫雨身如灼辨香額天赤心托精神尙與真宰遊
且夕下救蒼生渴天丁鞭撻老龍起黑雲瀾空雷雨作
一雨三日民乃足千門萬戶喜雀躍累歲覃恩仰慈母
一朝憫雨動秦郭我公退食開口笑先民之憂後民樂
生對南山興瀟灑自拂古桐理絃索嗚呼天人交感有
如此元氣亦在人斟酌我公自有回天力到處陽春信
有脚君不見循良自古入相多徵書咫尺來玉坡蒼生
漫爾舞且歌留公不住當奈何好取北山一片石勒之

萬代光寔嶽

曝背

曝背茅簷下游心藥裹餘問醫除老病昏目棄殘書孫
愛食留客僮歡而得魚年豐時更黍瀟灑在林居

海居賦

東厓先生翁公居在南海之濱乃自撫臺介以
皖山吳子之詩命予賦之予西夷俗人也未
嘗海遊而知公之爲真海也乃括而爲之賦
云其辭曰

荷與巨哉海兮環四域以爲界維南溟之特勝兮肇鴻

濠澗衍派沂翁氏之上翁兮爰卜居于海濱德源源以
世好兮善根植而殷殷灑靈蘊結兮吾不知其幾千萬
年高居以孕秀兮培崧嶽之降神直

皇明之景運兮哲人乃生挺傑姿之曼異兮貯渤澥于
冊肩顧學海之茫茫兮洪有岸而先登詞源滾滾以瀉
溼兮怕一瀉而千里錯海珍以雜出兮僉自駭而神靡
跨赤虬以護征兮叫閭閻而謁

帝帝命以作股肱兮俾宣力以經世憫下民之昏墊兮
鼓萬艘以湍濟交南之弗庭兮伊孽暨之爲厲

帝命相以將征兮相簡公以參謀森幕府之遠穆兮獨

淵淵以運籌於幕幕變于指顧兮鈐六師以張皇進莫敢
以我抗兮退無穴之可容豈堅潔以魄補兮函面縛而
請降歎愴款以捷奏兮

帝嘉錫以報章爵華豎以都統兮因悠遠以安黎靡寫
碑以載績兮光什倍乎淮西維三秦之巨藩兮控三邊
以制虜

帝命公以擢填兮藉文武之吉甫動威令以轟霆兮澤
隨車以沛澍曾星霜之未周兮羌外靖而內熙維我公
之斷斷兮曰宰衡之攸宜

帝咫尺而有召兮集靈龜于鳳池量汪洋其無際兮陋

下頃之憲彼處處下以乘善兮匯百川而納之翊

皇祚于億萬兮勳勳名乎昇舉憶海居之我招兮方童
顏而白頭訪五羊之僊跡兮親一髮于羅浮報海籌之
重添兮塵銅狄以假游亂曰海晏晏兮公行行兮巨復
且兮海可塵兮公名其芬兮其無垠兮

五言排律三十四韻贈大參陳子才

昭代開昌運名門擅帝鄉善脩深更遠慶行浩無疆北
斗尚書烈中朝太僕良謝荷培寶樹丹穴產鸞鳳早受
趨庭訓期增奕葉光蔭恩覃雨露胄監琢圭璋苦吟三
臆力爭攀桂窟芳鵬持藻雅志驥足試庫莊邁官留部

美言御師府強濟
嚴君遂顯揚分符
魏闕以爲入鄖陽
大展平生學濟
消萬姓殃崇墉
劔戟相聞設晨
祭白晝絃歌滿
青嶽
虎豹藏福星懸
筭旬刻徹光自
耀海司邦計蒸
山落
錦裏轉花金燦
爛德佩玉丁當
咫尺天居迥瞻
依夜臺
常芙蓉泥不染
蘭草兮生香坐
聽鶯遷木欣看
燕賀梁
清風辭北剡卿
月博西涼玄鶴
峒近神駒渥水
烏菴
風驟牝盛魯頌
馬斯滅經濟需
才俊旬宣陟省
堂沂流
環浩蕩吳獄對
青艾君有胸陽
春遍隨車澍澤
滂馳驅過
郭杜詢訪舊門
牆納拜吾寧敢
謙虛德益彰持
桴頌慰

藉舉酌暫徜徉廊廟方登用田園豈慮荒詩書元不負
簪組世相望海岱息何塵涓埃報莫忘迢迢霄漢上萬
里任翱翔

二曲子歌贈种天表

英英二曲子夙秉河山秀弱齡待父令西蜀錦江峨眉
爛如繡乘暇時時躡屐送新詩筆底可立就壯歲跨馬
入燕京黃金臺邊笑馳驟翹首蓬萊五色雲願祝

皇圖萬年壽尋渡長江縱遊眺東南勝槩無遺漏春風
折得廣陵花猶有餘香滿衣袖囊中一片嶧陽桐悠悠
古調蓬仙授草堂惟有老鶴聞松關未許俗人和王孫

貴客苦願學折柬邀之掃門候清風徐來月在天高山
流水始一奏賢郎書遍王右軍阿孫志接科名究只今
甲子七十二雙鬢無絲面無皺如君自是松喬流今人
誰繼鍾期後擊筮吹竽醉不醒說著陽春笑破口吁嗟
乎二曲子不知爾音知爾心却有八旬淺腹更

二華子歌

予爲二曲子歌矣天章以書來曰公得無意
乎遂有此作

太華峯有十丈蓮少華峯有千尺泉希夷一枕喚不起
蒼帝鳥春依然長安種子王門客自稱二華雲中仙

有時笑携謝朓驚人句
笠頭問蒼浪天有時走
覓玉女洗頭盆九節杖
子挂到日月邊平生酷
好李太白恨不相見斗
酒詩百篇醉來怪問仙
人掌胡不一解蒼生之
倒懸短歌長律囊裏輒
滿大篆小楷石可鐫
供奉碧殿迥密寐常
遊蒼蒼巖中子種子
別爾忽忽五六年老夫
乃今為爾一枚頭揮灑
三華萬頃之雲烟琪
葩瑤草世難賣不遇
金莖仙子勿浪傳

梅塘為相城盛翁賦

一泓清淺兔河濱
疎影橫斜幾度春
開閣與於何遜
異巡簷詩較少陵
親蹇馱時跨同心
客野鶴長隨不

老身若作和羹湏大手
霜臺豸角望嶙峋